

2. Džěd a wowka ducy ke mši.  
(Duett z chorom.)

Wowka.

Starej smój  
A swět naj' hišće nosy,  
So zemja wobnowja,  
Nic tak naj' štalt a włosy.  
Bóh rjane dary lubi.  
Štó změje je tu dočakać  
A domoj brać a wužiwać?

Džěd.

Hlej, tutón młodženc dróhowacy  
So wjeseli swět překhodžeć,  
Lóšt, nadžěj, móc su jeho šacy,  
Swět najradšo chceł přelegeć:  
Tak tež bě něhdy zložena  
Ta młoda moja myslička.

Wowka.

Tu podlěco tež čłowjekowe  
Je Božej zemi podobne,  
Hdžež mócne, lóštne čělo strowe  
Tež čěžu za lóšt přenjese.

Džěd.

Ja skoro dyrbjju wotpołožić  
Tu pućowańsku zepjeru,  
So hišće k rjeńšim honam zložić,  
Hač naše khude hona su:  
Mój rózowy dzeń zakčěwa  
Tam horkach, hdžež su njebjesa.